



Sud Bosne i Hercegovine

Суд Босне и Херцеговине

Broj: Su-08-266/19

Datum: 12.12.2019. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-265/19 od 12.12.2019. godine u postupku javne nabavke usluge za LOT 1 servisiranje i održavanje vozila Škoda Superb i VW Passat – 50112200-5, donosim

ODLUKU

o izboru najpovoljnijeg ponuđača za LOT 1 -
nabavka usluge servisiranja i održavanje vozila Škoda Superb i VW Passat

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-265/19 od 12.12.2019. godine te se Ugovor za **LOT 1 - nabavka usluge servisiranja i održavanje vozila Škoda Superb i VW Passat** - oznaka i naziv iz JRJN: 50112200-5 (usluga održavanja vozila) dodjeljuje ponuđaču „**SARADIS**“ d.o.o. Sarajevo sa sjedištem na adresi Ul. Donji Hotonj bb, sa ponudom broj: 2711/19 od 27.11.2019. godine i nakon sprovedene e-aukcije za ponuđenu cijenu u iznosu od **1.050,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču „**SARADIS**“ d.o.o. Sarajevo po proteku roka od 10 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge servisiranja i održavanja vozila po lotovima broj: Su-08-236/19 od 19.11.2019. godine. Javna nabavka je provedena putem konkurentskog zahtjeva za dostavu ponuda broj: Su-08-239/19, a procijenjena vrijednost javne nabavke bez PDV-a je 3.400,00 KM. Obavještenje o nabavci objavljeno je na portalu javnih nabavki pod brojem 243-7-2-25-3-31/19 od 19.11.2019. godine sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge za LOT 1 - servisiranje i održavanje vozila Škoda Superb i VW Passat. Komisija je blagovremeno i pravilno izvršila javno otvaranje ponuda dana 29.11.2019. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle četiri (4) ponude („AC QUATTRO“ d.o.o. Sarajevo, „BOS-MONT“ d.o.o. Sarajevo, „SARADIS“ d.o.o. Sarajevo i „AUTODELTA“ d.o.o. Sarajevo), da nije bilo neblagovremeno zaprimljenih ponuda te da su sve pristigle ponude ponuđača ocijenjena prihvatljivom u skladu sa tenderskom dokumentacijom.


Za ovaj postupak je predviđena e-aukcija. Sve prihvatljive ponude („AC QUATTRO“ d.o.o. Sarajevo, „BOS-MONT“ d.o.o. Sarajevo, „SARADIS“ d.o.o. Sarajevo i „AUTODELTA“ d.o.o. Sarajevo) su unesene i pozvane kroz sistem e-nabavke da učestvuju u e-aukciji. E-aukcija je zakazana za 11.12.2019. godine sa početkom u 14.00 sati i planiranim završetkom u 14.30 sati. Period trajanja e-aukcije je bio od 14.00 sati do 14.30 sati. Svi ponuđači koji su pozvani da učestvuju u e-aukciji su podnosili nove cijene te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača „SARADIS“ d.o.o. sa ponudenom cijenom od 1.050,00 KM bez PDV-a, drugorangirana je ponuda ponuđača „AC QUATTRO“ d.o.o. sa ponudenom cijenom od 1.080,99 KM bez PDV-a, trećerangirana je ponuda ponuđača „AUTODELTA“ d.o.o. sa cijenom *1.200,00 KM bez PDV-a i četvrtorangirana je ponuda ponuđača „BOS-MONT“ d.o.o. sa cijenom od *1.580,00 KM (*označava cijenu na koju se primjenjuje preferencijalni tretman pa je prilikom poređenja ponuda, ponuđačima koji su dostavili potvrde Vanjskotrgovinske komore BiH („BOS-MONT“ i „AUTODELTA“) cijena ponude umanjena za 5%.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja aukcije nesporno je da je prvorangirani ponuđač „SARADIS“ d.o.o. Sarajevo izabran primjenjujući kriterij najniže cijene koja je ponuđena u iznosu od **1.050,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.



PREDSJEDNIK SUDA
Ranko Debevec

RD